



Uunga  
Inatsisartunut ilaasortaq  
Jens B. Frederiksen  
-/- maani

11. juni 2013  
Sagsnr.2013-084647  
Dok. Nr. 1240314

Sullivimmi atukkat pillugit Peqqissaasut Kattuffiata misissuisimaneranut tunngatillugu § 37-kkut apeqqummut Inatsisartunut ilaasortamut Jens B. Frederiksenimut, Demokraatit, allakkatigut akissut.

Apeqqutinut nassiunneqartunut qujavunga.

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

### **1. Peqqissaasut Kattuffiata sullivimmi atukkat pillugit misissuititsisimanerta kingulleq Naalakkersuisunut qanoq oqaaseqarfigerusunneqarpa?**

Suliffimmi atugarissaarnerup pilersinneqarnissaa ataatsimoorussamik akisussaaffiuvoq. Suliffimmi atugarissaarfiusumi ilisarnaataasinnaapput, pisortat sulisullu ulluinnarni suliassat ajornartorsiuutillu aaqqiiffiginissaannut ataatsimoortumik akisussaasutut misigisimanerat. Saniatigut ilisarnaataasoq taassaavoq, pisortat sulisullu aamma sulisut akornanni imminnut ammasumik tatiginnittumillu oqaloqatigiinneq.

Naak misissuinermi peqqinnissaqarfimmi sulisut amerlassusaat killeqartut tunngavigineqaraluartut PK-p misissuineri atugarissaanermut sissuernerulernissamik pissutissaqalersitsivoq. Peqqinnissaqarfimmik aqutsisut aqqissuussinikkut allannguutissat pilersinniarlugit aallartippaat, suliamik nuannarinninnerup, atugarissaanerp kiisalu sulisut ilanngutitinneqarnissaata ukkanneqarnerulernissaat siunertaralugu

### **2. Peqqissaasut Kattuffiata sullivimmi atukkat pillugit misissuititsisimanerata kingulliup paasinarsitsippaa sulisut killilersugangngitsumik oqarsinnaatitaanerata kanngunarsarneqartoq tamanna Naalakkersuisut qanoq oqaaseqarfigerusuppaat?**

Killiligaanani oqaaseqarsinnaaneq inatsisinit tunngaviusunit illersugaalluni pisinnaatitaaffiuvoq, atorfinitsitaanermili atugassarititaasuni tamani suliffeqarfinni tamani peqqinnissaqarfiup ataani pingaaruteqartoq tassaavoq, sulineq suliffeqarfillu pillugit sulisup oqaaseqarsinnaanera pillugu malittarisassat ersarissuunissaat. Maannakkut ilaatigut killiligaanani oqaaseqarsinnaanermut najoqqutassat Peqqissutsimut Pitsaaliuinerimullu Aqutsisoqarfimmi HR-mut immikkoortortaqaarfiup suliaralugit aallartippai.

### **3. Misissuinerit marluk taakku Naalakkersuisut qanoq malitseqartinniarpaat?**

Peqqissutsimut Attaveqarnermullu Naalakkersuisup aamma Peqqissutsimut Attaqarnermullu Naalakkersuisoqarfiup Peqqissutsimut Aqutsisut akuttunngitsumik

ataatsimeeqatigisarpaat. Ataatsimiinnerni taakkunani peqqinnissaqarfimmi unammillernartut malinnaaffigineqarlutik ingerlanneqartarput, matumani ilanngulugit sulisut atugarissaarnerat aamma immikkut sammisat soorlu killiligaanani oqaaseqarsinnaaneq. Tamatuma saniatigut Peqqinnissaqarfimmi APV-mut inatsisit malillugit pisussaaffiusoq naammassineqartarpoq, tassani aamma atugarissaarneq isiginiarneqarluni.

Inussiarnersumik inuulluaqqusillunga  
Med venlig hilsen

Steen Lynge